

INONA NO HATAONTSIKA

AMIN'ITY JESOSY ANTSOINA

HOE KRISTY ITY?

 ...-andro, te-handeha haingana aho, satria fantatro fa reraka ianareo rehetra tonga eto am-piangonana, (misaotra anao, tompoke), tonga eto am-piangonana androany. Te-haka an'ity fotoan'andro ity fotsiny aho, na izany aza, mba hanehoako ny fankasitrahako an-dRahalahy Demos Shakarian.

² [Elanelana tsy voaraki-peo—Mpand.] . . . tsy nihaona mihitsy amin'ny maha-Pentekosta, teo ambanin'ireo vondrona. Maro loatra ireo fahasamihafana. Saingy misy toerana iray kosa izay anananay an'ireo zavatra iraisana, dia eo ambanin'ny Ràni Jesosy Kristy, eo no anananay an'ireo zavatra iraisana. Izany no fomban'Andriamanitra hihaonanay, na ahoana na ahoana. Ary tsy misy toerana hafa izay nampanantenain'Andriamanitra hihaonana amin'ny olona, afa-tsy eo ambanin'ilay Rà nararaka.

³ Nieritreritra aho omaly hariva ny amin'ny rahalahintsika, Oral Roberts, rehefa nanao an'ilay filazana mahafinaritra izy teto, mikasika ny hoe, "Avy ao amin'ny ambany indrindra an'ny vatany no hikorian'ireo reniranon'ny rano." Ilay lehibe . . . Toy ny ahoana no nitondrany an'izany, mikasika ny hoe, "avy tao amin'ny kibony," mino aho fa hoy izy hoe, "no mivoaka, hikoriana ireo reniranon'ny rano ireo."

⁴ Efa mba voamarikareo ve, fa ireo reniranon'ny rano anankiray izany? "Ireo renirano," maro; "ny rano," anankiray. Tsy hoe "ireo reniranon'ireo rano"; fa, "ireo reniranon'ny rano," Fanahy anankiray. "Tamin'ny Fanahy iray ihany no nanaovana batisa antsika rehetra ho amin'ny Vatana iray ihany." Avy ao Aminy no mikoriana ny fahatsaram-panahy sy ny fahasoavan'Andriamanitra.

⁵ Ary ankehitriny, ianareo vahoakan'i California, ho any amin'ny fanjakanareo izahay, manomboka amin'ny herinandro manaraka, mino aho, any. Ary avy eo dia manohy midina mankany Georgia, Louisiana, Florida, manohy midina mandrapanombokay hankany am-pitan-dransomasina.

⁶ Ny Tompo hitahy anareo, betsaka. Mankasitraka an'ireo ramatoa kely izay nitendry mozika aho, ary ireto lehilahy mahafinaritra izay nihaonako ireto.

⁷ Ity rahalahy vaovao eto ity, Rahalahy Solomon King. Mety diso ny filazako azy. Afaka mieritreritra an'i Solomona

Mpanjaka aho, ka namadika an'ilay izy fotsiny. Tamin'izany andro izany io; ity dia mpanjaka hafa iray, ihany koa. Marina izany. Zanaky ny Mpanjaka iray, na ahoana na ahoana, marina izany; zanaky ny Mpanjaka iray; tsy an'ny mpanjaka iray, *ilay* Mpanjaka!

⁸ Rehefa mijery an'ity aho, dia mampahatsiahy ahy ny tany Mexico teto izany, taona vitsy lasa izay tany Mexico City. Tany izahay indray hariva, dia nisy lehilahy jamba iray, ny hariva talohan'i, tonga teo amin'ny lampihazo, tena jamba tanteraka nandritry ny taona maro. Nojereko ny tongony. Nitsangana teo aho nanao palitao sy pataloha tsara iray, nanao kiraro. Nojereko ny... Jamba izy, tsy nanao kiraro, pataloha rovidrovitra, nitsangana teo tao anatin'iio orana io. Oh, angamba telo alina, na mihoatra, no nitsangana teo tao anatin'iio orana io, nifampiankinankina, tsy nisy sezà; hatramin'ny vao maraim-be tamin'io maraina io, niandry fotsiny ny hahatongavana teo tamin'io hariva io. Ary teo io lehilahy jamba io, izay nandray ny fahitany.

⁹ Ary ny hariva manaraka, dia betsaka, saiky indroa amin'ny haben'ity dabilio eto ity, na inona na inona iantsoantsika azy, fa teo ambonin'ilay lampihazo fotsiny, dia nisy antontany saiky avo tahaka an'io lamban'efitra mihantona io mihitsy, an'ireo lamba fitafy sy palitao, sy izay nanaovan'ny olona ka natsipiny teo ambony teo. "Mba ahafahanay mikasika azy fotsiny!"

Ny ankamaroany dia Katolika daholo, mazava ho azy, any Mexico City any.

¹⁰ Dia niditra aho, izay Protestanta voalohany hany niditra teo ambanin'ny fanasan'ny miaramila. Avy tamin'i Jeneraly Valdivia izany, ny sakaizantsika tsara eto, Full Gospel Business Men.

¹¹ Tsaroako fa tamin'io hariva io, dia nisy antsoantso avy tany ivelany. Dia nanatona ahy ny zanakolahy, nanao hoe, "Manana mpampiditra olona dimampolo amby zato aho fara-fahakeliny, na mihoatra, mitsangana ao, nefà tsy mahatazona vehivavy kely Espanola iray izy ireo. Manana zazakely iray maty izy, maty aninkeo maraina." Hoy izy, "Tsy mahatazona an'io vehivavy io izy ireo ao." Hoy izy, "Hihanika eo ambonin'ny lamosin'izy ireo sy ny sisa izy."

Dia hoy aho hoe, "Eny, amafiso fotsiny ilay izy."

Hoy izy hoe, "Tsy manana na inona na inona hafa hamafisana aho."

Hoy aho hoe, "Omeo karatra fangataham-bavaka iray izy."

Hoy izy, "Tsy manana anankiray intsony aho. Efa voazara izy rehetra."

¹² Hoy aho hoe, "Rahalahy Moore, mandehana ianao mivavaka ho azy," hoy aho, "satria tsy mahafantatra ahy izy." Dia hoy aho hoe, "Mandehana ianao mivavaka ho azy. Fa izaho hiezaka

hivavaka ho an'ity antontan'akanjo goavana ity, ao anatin'ny fotoana vitsy monja."

¹³ Ary raha mbola nitsangana teo aho, dia njery tany amin'ny mpanatrika tahaka an'izao, ary teo anoloako dia nisy zaza kely Meksikana iray, tsy nisy nify, nitsiky fotsiny, teo anoloako mihitsy. Hoy aho hoe, "Andraso iray minitra, Rahalahy Moore."

¹⁴ Dia nentin'izy ireo ilay zaza kely. Ary niditra ilay ramatoa kely, nidaraboka, niaraka tamin'ny lakroa iray teny an-tanany. Niteny aho, tamin'ny alalan'ny rahalahy iray, mpandika teny, mba hampitsangana azy.

¹⁵ Dia hoy aho hoe, "Rahalahy Moore, tsy fantatro na ity ilay izy, na tsia, fa nahita zaza kely iray nitsangana teo anoloako aho, tao anatin'ny fahitana iray vao izao ankehitriny izao, nitsiky."

¹⁶ Nataony tao ambanin'ny bodofootsy kely iray, manga sy fotsy izy, kotsa mihitsy. Nanorana mihitsy tamin'izany. Teo amin'ny folo ora alina teo tamin'izany. Ilay zazakely dia efa maty ny marainan'io, nanodidina teo amin'ny valo na sivy ora teo, tao amin'ny biraon'ilay dokotera, niaraka tamin'ny aretin'avokavoka. Ary noho izany dia efa nitsangana tao amin'ilay ranonorana izy. Niroraka teo amin'ny tavany daholo ny volony, ary ankizy iray tena maha-te-ho tia izy. Izy angamba dia toy ny hoe, zanany voalohany, tao amin'ny faha-roapolo taonany voalohany. Ary maty ilay zaza kely.

¹⁷ Dia nametraka ny tanako fotsiny teo aminy aho, ka hoy aho hoe, "Tompo Jesosy, tsy azoko izao, saingy arak'ilay fahitana izay hitako..." Ary vantany vao nilaza an'izany aho, dia nitsipatsipaka sy niantsoantso izy, ary velona ilay zaza kely.

¹⁸ Dia nalaiko i Rahalahy Espinoza. Firy no mahafantatra an'i Espinoza, Rahalahy Espinoza? Izy ilay anankiray izay nanadihady an'izany, hatrany amin'ny biraon'ilay dokotera, nahita fa marina ilay izy, hitanareo, marina izany, maty ny marainan'io ilay zazakely, nanasonia an'ilay filazana.

¹⁹ Ary noho izany ankehitriny dia Izy no Andriamanitra tsy miova androany, raha afaka manana an'ilay karazana iray ihany an'ny finoana Azy isika. Marina izany.

²⁰ Rainay any An-danitra, iraho ho anay io finoan'ilay vehivavy Meksikana kely io, androany. Nahita an'io lehilahy kely, jamba izay sitrana io izy, ny hariva talohan'io. Nitsangana tany niaraka tamin'ny zazakeliny, tao anatin'io rivotra mangatsiaka, nitsoaka io, tratry ny aretin'avokavoka izy. Ka ny ampitso maraina, vao maraim-be, dia maty tao amin'ny biraon'ilay dokotera izy. Ny eritreriny voalohany dia hoe, "Raha afaka manasitrana maso jamba iray Andriamanitra, afaka manambara ny tsiambaratelon'ny fo, dia mbola ny Tenin'Andriamanitra foana izany, satria ny Tenin'Andriamanitra dia mamantatra an'ireo fisainana izay ao anatin'ny fo." Ary fantany fa afaka namantatra an'ireo fisainana izay tao anatin'ny fony

Izy. Nino Azy izy, fa hoe Izy dia afaka nanangana an'i Lazarosy avy tao am-pasana, ary Izy no tsy miova omaly, anio, ary mandrakizay. Tonga izy, ka namaly soa azy Ianao, Tompo, tamin'ny famerenana taminy ny zazakeliny. Velona izy androany, araka ny fantatray. Misaotra Anao izahay ny amin'izany.

²¹ Tahio izahay, androany, Ray. Tahio ireto vahoaka ireto miaraka amin'ireto mosara sy palitao mipetraka eto ireto, ihany koa. Ary enga anie Ny Fanahinao Masina ho tonga ankehitriny ka hampita ny Tenin'Andriamanitra aminay. Mangataka amin'ny Anaran'i Jesosy izahay. Amena.

²² Fantattro fa manana fivoriana iray ianareo afaka fotoana fohy fotsiny, na amin'ny dimy ora, mino aho. Ary mazàna dia tsy hanome fotoana ahy hanombohana izany, saingy izaho dia—efa niova tamin'izany aho, heveriko, ankehitriny. Niezaka mafy aho tamin'ity herinandro ity, teo ambanin'ny aretin-tenda iray, angamba niara-niasa hahasoa izany.

²³ Niteny tamin'ny olona aho indray andro, izaho—naka solovolo iray ho ahy aho, saingy menatra aho ny hanao azy satria nivazavaza betsaka an'ireo vehivavy aho mikasika ny volony. Ary izaho—nahintsan'ny asidra karbolika ny voloko. Fa indray hariva dia nosokafan'izy ireo io varavarana io, ka nitsofoka teo ny rivotra kely iray, ary tsy nihevitra aho fa ho tafaverina aho androany. Hoy aho hoe, “Raha eto i Oral Roberts, dia afaka manampy izy, raha tiandy.” Tsy mbola mipoitra izy, noho izany dia hamaky ny Soratra aho, ka mivavaha ho ahy ianareo.

²⁴ Masindahy Matio, ny toko faha-27, manomboka amin'ny andininny faha-11, no iriako ho vakiana. Ankehitriny henoy tsara mihitsy ny famakiana ny Teny. Satria, ny teniko dia tenin'olona, ho diso izany. Ny Teniny no tsy mety diso, noho izany dia henoy tsara raha mamaky isika ankehitriny.

²⁵ Ary alohan'ny, raha mbola mamadika ianareo, dia tiako ny hilaza fa ny rahalahintsika, Oral Roberts, dia ho any Jerosalema, ihany koa, amin'ny Zoma hariva manaraka, noho izany dia tongava ianareo rehetra izay maniry. Hoy ianareo hoe, “Aiza?” Nisy olona iray nilaza fa Florida dia tany nampanantenaina iray, heveriko fa izaho dia afaka miantso an'i Tucson hoe, Jerosalema. Ao anaty lohasaha no misy an'i Phoenix, hitanareeo, ary Jeriko dia ilay lohasaha ambany fotsiny avy eo Jerosalema. Tsy ho afaka hiala eto tahaka an'izany mihitsy aho, sa tsy izany? Rahalahy Oral Roberts no miresaka amin'ny Zoma hariva manaraka ary azoko antoka fa ho faly ianareo rehetra hihaino azy. Ho faly izahay banana anareo any.

²⁶ Toko faha-27, ny andininny faha-11.

*Ary Jesosy nitsangana teo anatrehan'ny governora:
ary ny governora nanontany azy, ka nanao hoe, Ianao*

ve no Kristy an'ireo Jiosy? Dia hoy Jesosy taminy hoe, Voalazanao.

Ary izy rehefa (avy tamin'ilay loha) nampangain'ilay lohan'ny mpisorona sy loholona, sy an'ny... dia tsy namaly na inona na inona.

Avy eo dia hoy i Pilato taminy hoe, Tsy renao ve hoe firy ireo zavatra maro iampangan'izy ireo anao?

Dia tsy namaly teny iray azy mihitsy izy; hany ka talanjona ny governora...

Ankehitriny tamin'ny andro firavoravoana ny governora... dia mandefa mpifatotra anankiray ho an'ny vahoaka, arak'izay tian'izy ireo.

Ary nanana mpifatotra malaza anankiray izy ireo tamin'izany, antsoina hoe Barabasy.

Koa rehefa niara-niangona izy ireo, dia hoy i Pilato tamin'izy ireo hoe, Iza no tianareo halefako ho anareo? Barabasy, sa Jesosy izay antsoina hoe Kristy?

Fa fantany fa nohon'ny fialonana no nanoloran'izy ireo azy.

Rehefa maika teo amin'izany izy, ka nipetraka teo amin'ny seza fitsarana, dia naniraka nankany aminy ny vadiny, nanao hoe, Aza... manao na inona na inona amin'io lehilahy marina io: fa njaly tamin'ny zavatra maro aho androany tao amin'nynofiko nohon'ny aminy.

Fa ny lohan'ny mpisorona sy ireo loholona dia nandresy lahatra an'ireo vahoaka betsaka mba hangataka an'i Barabasy, ary hamono an'i Jesosy.

Namaly ny governora ka nanao tamin'izy ireo hoe, Iza amin'izy roa lahy no halefako ho anareo? Dia hoy izy ireo hoe, Barabasy.

Pilato nilaza tamin'izy ireo hoe, Inona àry no hataoko amin'i Jesosy izay antsoina hoe Kristy? Hoy izy rehetra taminy hoe, Aoka hohomboana izy.

Dia hoy ny governora hoe,... inona no ratsy izay nataony? Fa vao mainka niantsoantso izy ireo, nanao hoe, Aoka hohomboana izy.

... Pilato dia nahita fa tsy afaka nahavita na inona na inona izy, fa nandroso ihany aza ny tabataba, dia naka rano izy, ka nanasa ny tânany teo anatrehan'ny vahoaka betsaka, nanao hoe, Tsy manan-tsiny amin'ny rân'ity lehilahy marina ity aho: asa anareo izany.

Dia namaly ny vahoaka rehetra, ka nanao hoe, Aoka ny Râny ho aminay, sy ho amin'ny zanakay.

Dia nalefandy ho azy ireo i Barabasy: ary rehefa nasainy nokapohina Jesosy, dia natolony mba hohomboana izy.

²⁷ Ny lohahevitra androany, raha hiantso azy ho izany aho, mandritry ny telopolo minitrà manaraka, dia: *Inona No Hataontsika Amin’Ity Jesosy Antsoina Hoe Kristy Ity?* Ary avy eo dia tiako ny hilaza an’izao, ihany koa hoe, “Jesosy eo antànantsika.”

²⁸ Ankehitriny, dia mino aho fa ilay ora izay anombohan’ny tantarantsika, dia saiky teo amin’ny misandratr’andro teo, tao amin’ny efitra fitsaran’i Pilato. Ary izany no iray amin’ireo fotoana mampalahelo indrindra, sy iray amin’ireo fotoana sarotra indrindra, an’ny tantara rehetra. Izany no fahadisoana mampalahelo indrindra izay hany vitan’ny fiangonana tao amin’ny tantarany. Vao avy nahavita an’izany izy ireo, ary ankehitriny dia efa natsipin’izy ireo teo antongotr’ilay governora izany, ilay fanjakana. Sady ny fiangonana no fanjakana, satria izy ireo dia vahoaka iraynofidian’Andriamanitra, nantsoina mba ho Mpanompony, ary firenena izay natao ho fehezin’ireo lalàñ’Andriamanitra.

²⁹ Fa nandà ny Mesiany ilay fiangonana. Na dia tena voatondro marina teo amin’izy ireo aza Izy, dia naleon’izy ireo nifidy ny hijanona tamin’ny fombafomban’ireo loholon’izany andro izany, toy izay hino ny Teny voahosotra, voamarina izay nampanantenain’Andriamanitra azy ireo nandritry ny an-jato taonany, fa ho avy.

³⁰ Efa voamarikareo ve, fa efa naminaniana ihany koa fa hohajambaina izy ireo? Tsy nety azon’izy ireo io, sy hoe ahoana fa hohajambaina izy ireo, saingy izany izy ireo.

³¹ Ary nanao ny fahadisoany lehibe izy ireo, ka amin’izao andro izao dia nanao ny fampisehoany farany an’izany izy ireo. Ary eo an-tànan’ny governemanta izany ankehitriny, ary tsy maintsy manao ny safidiny ny governemanta ankehitriny. Efa nandà Azy ireo fiangonana, na dia efa noporofoin’Andriamanitra marina tokoa aza fa Izy no Mesian’izy ireo.

³² Ankehitriny dia te-haka fotoana vitsy fotsiny aho alohan’ny hidirantsika amin’ity, amin’ilay lahateny sy ny sisa, ka andraisako an’ireo naoty izay voasoratro eto mikasika an’izany. Ahoana no nahadiso an’ireo olona ireo tsy hahita an’izany? Zavatra anankiray izay lazain’ny Soratra mazava hoe, “Jamba izy ireo.” Saingy sarotra ny hanao azy ireo hahazo fa jamba izy ireo, sarotra tahaka azy amin’izao andro izao mihitsy.

³³ Nefa, ny Baiboly dia miteny amintsika fa ity taranaka ity dia “mitanjaka, mahantara, ory, ary jamba, nefà tsy fantany izany.” Ankehitriny, izany ny Soratra. Ankehitriny raha miteny aminay vahoaka Amerikana ianareo fa jamba izahay, dia hiteny aminareo haingana mihitsy izahay hoe tsy fantattrareo izay resahanareo.

³⁴ Saingy hitondra anareo eo amin’ny raharaha-pitsarana iray aho izao tolakandro izao, hahita na jamba isika na tsia.

Fa mametraka an'i Jesosy eo amin'ny raharaha-pitsarana isika, izao tolakandro izao, ka eo an-tànantsika Ny Ràny, ary tstantsika ny hahita an'izay hataontsika mikasika an'izany ankehitriny. Hanao an'ilay fahadisoana tsy voahevitra iray ihany izay nataon'izy ireo tamin'izany fotoana izany ve isika?

³⁵ Mariho izay nitranga. Efa voatondro mazava Izy, ary nanatanteraka ny asa izay nolazain'Andriamanitra fa ho Tanterahiny, amin'ny maha-Mesia. Tsy nisy fanontaniana ny amin'izany. Satria, teraka araka ny fomba izay nolazain'Andriamanitra fa Hahaterahany Izy. Nolavina araka ny fomba izay nolazain'Andriamanitra fa handàvana Azy Izy. Efa nanaporofo ny Tenany ho ny Mesia Izy, satria ny Mesia dia Andriamanitra. *Mesia* dia midika hoe "anankiray voahosotra." Ary Izy dia voahosotry ny—ny fahafenoan'ny maha-Andriamanitra, nonina ara-batana tao Aminy. Tsy mpaminany iray fotsiny Izy. Kanefa, Mpaminany iray Izy, saingy mihoatra nohon'ny mpaminany iray Izy. Izy no maha-Andriamanitra monina ara-batana tao anatin'ny olombelona iray fantatra ho Zanak'Andriamanitra. Andriamanitra, ilay Ray, dia nanaloka virijiny iray ka namorona tao anatiny, Rà, tao anatin'ny kibony, selan-dRà iray izay namokatra an'ilay Zanak'Andriamanitra, izay nataon'Andriamanitra ho tabernakely.

³⁶ Ary voatondro teo amin'izy ireo Izy, tamin'Izay Nolazainy ho naха-izy Azy, fa tsy tonga avy hatrany mihitsy Izy ka niteny tamin'izy ireo hoe, "Izaho no Zanak'Andriamanitra." Tsia, tsia. Tokony ho nino an'izany izy ireo. Hoy Izy hoe, "Ireo Asako no manambara hoe Iza Aho." Nandidy azy ireo Izy hoe, "Jereo ao amin'ny Soratra," ary jereo hoe andro inona no niainan'izy ireo, amin'izay fotoana izay dia ho fantatr'izy ireo hoe inona Izy.

³⁷ Heveriko fa mety amintsika ny hanao an'io, satria hitantsika fa antomotra ny fifindrana iray hafa. Heveriko fa isika dia tokony hijery, sy hizaha ny Soratra, rehefa mahita zavatra mipoitra isika.

³⁸ Mahamarika isika noho izany fa nandray ny fanapahan-keviny ny fiangonana, hoe tsy te-hanao na inona na inona Aminy izy ireo. Nahoana, nefà nanondro Azy marina tokoa ny Teny, ary ireo Asany no nanamarina fa Izy no Mesia? Tena zavatra mahatsiravina, mampidi-doza, fahadisoana, no vitan'io fiangonana io!

³⁹ Ary manontany aho raha ho azo hatao ny ahafahantsika manao an'io fahadisoana iray ihany io? Efa nomena azy ireo ny anjarany farany mba hahita hoe inona Izy, sy hanaiky an'Izany. Ankehitriny, tsy hanana an'ilay fanararaotra hanekena an'izay irahin'Andriamanitra foana ianareo. Hitanareo, tapitra ihany ny Faharetany amin'ny farany, ary amin'izay fotoana izay dia miampita an'ilay tsipika eo anelanelan'ny fahasoavana sy

fitsarana ianareo. Tsy misy tavela afa-tsy ny fitsarana rehefa tapitra ny faharetan'Andriamanitra amin'ny farany.

⁴⁰ Fa efa nomena an'io fanararaotra io izy ireo, ary nahita Azy nanondro ny Tenany, nahita Azy teo amin'ny fantsakana niaraka tamin'ilay vehivavy, ka niteny taminy fa efa nanana vady dimy izy. Nahita an'i Natanaela nanatona Azy, rehefa nandeha i Filipo ka nitondra an'i Natanaela teo amin'Ny Fanatrehany, ary niresaka Izy ka niteny marina tokoa hoe iza izy ary avy taiza izy. Niteny tamin'i Simona Petera hoe iza no rainy, ary iza no anarany. Ary efa tsy nanana mpaminany iray izy ireo nandrity ny an-jato taonany.

⁴¹ Ary na dia ilay vehivavy mpijangajanga aza dia nahafantatra ny Tenin'Andriamanitra. Tsy nifangaro tanteraka tao anatin'ny zavatra iray izy. Izy, izy, eny, ny fisainana dia tsy, izay antsointsika hoe, raha hamela an'ilay fitenenana ny amin'izany ianareo, "tsy mahatombina," mihazakazaka *eto* dia mihazakazaka *etsy*. Fisainana virijiny iray izany, raha ny momba an'izany. Hoy izy hoe, "Fantatray fa ho tonga ny Mesia, ary izao no Hataony."

Dia hoy Izy hoe, "Izaho no Izy."

⁴² Dia nihazakazaka haingana izy, niteny tamin'ny olona tao an-tanàna hoe, "Avia, jereo Izy, izany no tena Mesia."

⁴³ Nahoana, tsy afaka nahita an'izany ireto mpanabe sy vahoaka ireto tamin'io andro io. Izany dia, ho sarotra ny hahita raha tsy nahafantatra ny Soratra ianareo. Fa hoy ny Soratra hoe, "Nohajambaina izy ireo." Nohajambaina tokoa izy ireo. Saingy izy ireo no nifidy, raha ny marina, raha tokony ho io Jesosy maha-te-ho tia io, teo amin'ny... Mandre an'ilay antsoantsa tonga isika hoe, "Hohomboy Izy!"

⁴⁴ Hoy i Pilato hoe, "Inona no hataoko amin'ity Jesosy izay antsoina hoe ny Kristy ity?"

Hoy izy ireo hoe, "Ialao lavitra Izy! Hohomboy Izy!"

"Iza no halefako ho anareo, Barabasy sa Jesosy?"

⁴⁵ Ary nanao an'ilay fahadisoana tsy voahevitra indrindra izy ireo tamin'ny nifidianana mpamono olona iray raha tokony ho ny Mpanome-aina. Anankiray izay voatondro ho Mpanome-aina, fa nifidy mpamono olona iray izay voatondro ho mpaka-aina iray izy ireo. Fifanoherana iray toy ny inona! Ary manontany aho raha...

⁴⁶ Milaza an'izao miaraka amin'ny fanajana masina ho an'ireo rahalahiko sy ireo anabaviko aho, ary ho an'ireo lehilahy sy vehivavin'izao andro izao, izay itoriako, miaraka amin'ny fitiavana ny olona rehetra ao am-poko hoe: Manontany aho raha tsy efa vonona ny hahita an'ilay zavatra iray ihany izay hitan'izy ireo tamin'izany isika! Efa lasa tafiditra tao amin'izany ny governemanta, ary ilay—nandeha ilay adi-

hevitra. Tsy maintsy voalamina ilay fanontaniana. Teo amin'ny fifanatrehana iray izany.

⁴⁷ Efa toy izany koa ilay izy amin'izao andro izao, toy izany koa ilay izy ao amin'ity ora ity! Mandeha ilay fifanatrehana! Tsy maintsy misy zavatra vita, tsy maintsy milaza ianareo hoe "eny" na "tsia." Saingy, tsarovy, izany dia tsy hoe rehefa ho terena hanao an'ilay izy ianareo. Tsy maintsy manao an'ilay izy amin'ny sitraponareo malalaka ianareo ankehitriny. Ankehitriny! Tsy hoe rehefa miseho io fotoana io; rehefa miseho izany, dia tapitra ilay izy. Ankehitriny! Ity no mety ho andro farany hanananareo fotoana hanaovana safidy. Tsy afaka hanao an'ilay izy ianareo amin'izay fotoana izay, efa nandray azy ianareo; efa lasa lavitra ilay izy, amin'izany fotoana izany. Tsy maintsy ankehitriny no hanaovanareo an'ilay izy. Aza miandry hatramin'ilay minitra farany, satria hivoaka ilay sambo ka handao anareo. Hikatona ireo varavarana.

⁴⁸ Mety ho maro ny olona niditra tao anatin'ilay sambofiara raha afaka niditra tao izy ireo, rehefa nanomboka nilatsaka ny orana. Saingy vita ilay adi-hevitra, voatory ny Filazantsara, voaseho ireo famantarana; ary tapitra ny fotoana, nilatsaka ny orana avy eo, nandeha ny fitsarana.

⁴⁹ Ankehitriny, tsy maintsy nandà Azy ilay firenena manontolo, satria izany dia nantsoina hoe, araka ny lazaintsika amin'izao andro izao, "firenena Kristiana iray," tahaka an'ity izay antsoina hoe firenena Kristiana iray. Noho izany, raha nantsoina hoe firenen'i Jehovah izy, ireo Vahoakany voafantina, tamin'izay fotoana izay dia efa nandà Azy ilay firenena manontolo. Efa nandà Azy ilay fiangonana. Efa nandroaka Azy ilay fiangonana. Tsy te-hanao na inona na inona Taminy izy ireo, fa ankehitriny dia tafiditra ao anatin'izany ny governemanta.

⁵⁰ Noho izany dia miverina indray izany, miverina avy hatrany indray eo amin'ny lohalika izany, miaraka amin'ny Soratra mipetraka eto, voatondro, izay nolazain'i Jesosy marina tokoa fa hitranga. Nahoana isika no mivembena ao anatin'ity oran'ny aizina ity? Nahoana isika no mamela an'izany ho tonga eo amintsika, nefá efa nampitandremana tsara mihitsy isika? Tahaka ny tamin'ny andron'i Lota mihitsy, no ahitantsika an'ilay tena zavatra iray ihany. Efa nametraka an'ilay sehon-javatra Jehovah, ka niteny tamintsika hoe, "Tahaka ny tamin'ny andron'i Lota!" Hitanareo ireo iraka tany Babylona tany, niezaka ny hamoaka an'i Lota; ary hitanareo ny Hafatra ho an'ilay Voafidy, Abrahama, izay efa nivoaka. Ary ny zavatra rehetra, marina tokoa, teo amin'ny anarana, toerana, ary fotoana, dia efa voatondro marina mihitsy.

⁵¹ Fa ankehitriny dia eo an-tànan'ny governemanta izany. Tsy maintsy manameloka an'ilay izy ny governemanta ankehitriny, ary hanao an'izany izy ireo. Aza manahy ny amin'izany ianareo.

Firenena Kristiana iray izy, tsy maintsy maka ny toerany Kristiana izy, raha izany izy. Mandeha ilay fifanatrehana.

⁵² Tsy maintsy entina ao amin'ny fitsarana ilay firenena manontolo. Satria, izany dia nitranga teo amin'ny A.D. 70, rehefa ilay jeneraly Romana malaza, Titus, no nanao fahirano an'i Jerosalema, teo amin'ny A.D. 70, niaraka tamin'ny tafiny avy tany Roma, ka teo no nandoavan'izy ireo ny vidiny nohon'ny nandàvany Azy.

⁵³ Amin'izao andro izao, raha mijery an'io raharaham-pitsarana tany io isika, ary tonga eto ka maka tahaka an'izany amin'ny fomba samihafa, an'ireo raharaham-pitsarana tamin'ny Zoma Masina, ary miresaka mikasika an'izany, sy ny sisa. Nefa ilay tena zavatra iray ihany izay resahantsika, izay nitranga tamin'io Zoma Masina io, dia eo ambanin'ny orontsika mihitsy amin'izao andro izao! Ary ireo loholontsika dia manao an'ireo zavatra iray ihany izay nataon'izy ireo, mitondra azy mihitsy ao amin'ny raharaham-pitsarana iray mitovitovy, rehefa avy nohamarinina ny Teny nampanantenaina iray mitovitovy an'izao andro izao fa mitovy mihitsy tahaka ny nanamarinana azy tany.

⁵⁴ Jesosy, “zanakalahin’ny mpandrafitra tsotra iray,” noheverina ho toy izany. Izy no Tenin’Andriamanitra tonga voaseho. Ary voatondro marina mihitsy Izy, satria ireo asan’Andriamanitra dia naneho ny tenany tamin’ny Alàlany, ary nanaporofo fa Izy no Mesia.

⁵⁵ Ary, amin'izao andro izao, dia tonga indray ilay fisehon-javatra mitovitovy, nefo tonga eo amintsika ny Fanahy Masina amin'ny andro farany ka nanondro ny Tenany tao amin'ny fiangonantsika mihitsy, ary nanaporofo an'ireo asa iray ihany izay Nataony rehefa teto Izy tao amin'ny fahafenoana teo amin'i Jesosy Kristy. Nanao an'ilay zavatra iray ihany Izy teo amin'ilay Ampakarina, manao an'ilay zavatra iray ihany, nefo dia mbola te-hiala amin'Izany foana isika.

⁵⁶ Tsarovy, vita ireo horonam-peo ireo ankehitriny, izay mandeha manerana an'izao tontolo izao, fa tsy eto Phoenix eto irery ihany. Miresaka amin'ny antsasak'izao tontolo izao aho, amin'izao ora izao, satria manana asa fanaovana horonam-peo izahay izay mandeha manodidina an'izao tontolo izao.

⁵⁷ Mariho, manana raharaham-pitsarana iray mitovitovy isika amin'izao andro izao, taorian'ilay Teny voatondro iray ihany. Hebreo 13:8, “Jesosy Kristy no tsy miova omaly, anio, ary mandrakizay.” Masindahy Jaona 14:12, “Izay mino Ahy, ireo asa izay Ataoko no hataony koa.” Matio 28, “Any amin'izao tontolo rehetra izao, mitoria ny Filazantsara amin'ny olombelona rehetra.” “Indro, afaka kelikely dia tsy hahita Ahy intsony izao tontolo izao; fa ianareo no hahita Ahy, satria homba anareo Aho, ho ao anatinareo mihitsy aza, hatramin'ny faran'ilay taona.” “Jesosy Kristy no tsy miova omaly, anio, ary mandrakizay!”

⁵⁸ Izy ireo dia efa nisafidy amin'izao andro izao, tsy mpamono olona iray fotsiny ihany, fa mpamono ny Teny iray, mpiray tsikombakomba iray amin'ilay mpamono olona voalohany mihitsy.

⁵⁹ Rehefa izy ireo, nitory ny Filazantsara ireo apostoly, ary tonga avy eo i Irenée, sy ny maro amin'ireo mpanavao sy mpanorina lehibe tao amin'ny taona voalohany tany aorianana tany, dia tonga teo amin'i Nise ilay izy, indray andro, ho an'ny fifanatrehana iray, dia nanapa-kevitra izy ireo ny hanao fiangonana maneran-tany iray, mba hanery ny olona ho tonga eo ambanin'ny fahefam-pitsaran'izy ireo. Maro amin'ireo izay mamaky ny tantara eo, no mahafantatra fa mpaminany fahiny maro no tonga niaraka tamin'ny hodi-bidy nandrakotra nanodidina azy ireny, nihinana anana fotsiny sy ny sisa, ary niezaka ny haharitra ho an'ity Teny ity izy ireo, nihazona ho an'ny Tenin'Andriamanitra. Saingy inona no nataon'izy ireo tamin'io dimy ambin'ny folo andron'ny politika mihoson-drà io? Nanapa-kevitra izy ireo hanao fiangonana maneran-tany iray tamin'ny farany, ary nanao grefy ny fanompoan-tsampy tamin'ny Kristianisma, ka nametraka an'izany ho fiangonana maneran-tany iray.

⁶⁰ Ary, amin'izao andro izao, dia mampiditra ny tenany miaraka ao amin'ny Fiombonambe Ekiomenika ireo Protestanta, manao an'ilay zavatra iray ihany, manao grefy ao amin'ny fombafomban'olona, raha tokony mandray ny Tenin'Andriamanitra izay voatondron'ny Fanahy Masina marina mihitsy, hoe Izy no tsy miova omaly, anio, ary mandrakizay. Mijoro ao anatin'ny mizàna ilay fiangonana, androany, ka hita fa maivana. Miverina ao amin'ny efitra fitsaran'i Pilato indray ianareo. Eny, tompoko.

⁶¹ Inona no ataon'izany? Manao sary iray an'ny bibidia izany. Mpiray tsikombakomba iray amin'i Roma izany. Fa manery ilay Fiombonambe Ekiomenika, ary hanery ny anaram-piangonana Protestanta rehetra hiditra ao amin'izany; ary saiky ao izy rehetra ankehitriny, Full Gospel sy ny rehetra. Ho tonga ny ora izay tsy maintsy hahatongavan'izy ireo na hijanonany any ivelany, ka, amin'izay fotoana izay, rehefa tonga io fanerena io, dia efa nanondro ny tenanareo niaraka tamin'ilay mariky ny bibidia sahady ianareo. Ankehitriny, marina tokoa izany.

⁶² Inona izany? Mpijangajanga Protestanta miaraka amin'ny reny antitra iray, Roma, ilay vehivavy janga! Apokalypsy 17 no nilaza fa izy no "RENIN'NY MPIJANGAJANGA," marina tokoa, ireo anaram-piangonana Protestanta; mihazona eny an-tànanay an'ilay kapoaky ny fahatezeran'ny—an'Andriamanitra, ho an'ny fifandom-berany, ny filazany hoe, "ity no inoanay," ka ny tsirairay avy dia hoe, "ity no inoanay."

⁶³ *Ity no tokony hinoan'ny Fiagonana, ny Tenin'Andriamanitra, “ary aoka ny tenin'olona rehetra ho lainga.” Izany no tokony ho izy.*

⁶⁴ Saingy mitondra an'i Kristy eo amin'io ora lehibe mampididoza izay Nitsanganany io indray isika, ao amin'ny efitra fitsaran'i Pilato; mampangorakoraka, andiany iray voatosika eny amin'ny ilany, miaraka amin'ny loha iray miondrika. Ireo anaram-piangonana hafa nanary azy ireny, nandà azy ireny, ary nanosika azy ireny lavitra, ka manao hoe, “Aza manao na inona na inona amin’Izany!” Tsaratsara kokoa ho anareo ny manamarina eo amin'ny Teny. Ankehitriny dia mahita isika, fa io Fiombonambe Ekiomenika io... Inona no hataony? Izany, ny Baiboly...

Hoy ianareo hoe, “Milaza mikasika an’izany ve ny Baiboly?”
Eny.

⁶⁵ “Manana ny endriky ny toe-panahy araka an’Andriamanitra, nefà mandà ny Heriny.” Jamba, mitanjaka, mpandeha am-piangonana, manana ny endriky ny toe-panahy araka an’Andriamanitra, nefà mandà ny Herin’ny Fanahy Masina izay manondro an'i Jesosy Kristy amin’Ny Teniny. Ahoana no ahafahan’ny olona iray mihambo ho manana ny Fanahy Masina nefà mandà an’ilay tena Teny mihitsy izay ny Fanahy Masina? Ahoana no ahafahan’ny olona iray manao an’izany? Ny filazany manokana no manambara fa izy dia tsy arak’izay tokony haha-izy azy, manao fijangajangana ara-panahy, mandà ny Herin’Andriamanitra. Paoly no nilaza, ao amin'ny Timoty Faharoa, toko faha-3, an’izay hisy, nanao hoe, “Ho kiriana, mpieboebo!”

⁶⁶ “Manana diploma iray aho, Ph.D. iray, LL.D iray.” Ho ahy, dia izany no lavitra kokoa an’Andriamanitra nohon’ny nisy anareo fony ianareo vao nanomboka. Eny, tompoko. Mitondra anareo lavitra an’Andriamanitra fotsiny ihany izany, fa tsy mitondra anareo eo amin’Andriamanitra. Zavatra iray ihany no afaka mitarika anareo eo amin’Andriamanitra, ary izany dia ny Fanahy Masina, amin’ny alàlan’Ny Teniny.

⁶⁷ Ny Fanahy Masina dia famantaran’avaratra iray. Ny Kintana Avaratra dia ny Teny. Ary ny famantaran’avaratra dia hanondro anareo fotsiny ihany mankany amin'ny Kintana Avaratra. Ary ny Fanahy Masina dia hanondro anareo fotsiny ihany mankany amin'ny Teny, tsy hetsika ekiomenika iray, tsy anaram-piangonana iray, fa mankany amin'ny Tenin'Andriamanitra. Tsarovinareo, fa mifindrafindra miaraka amin’izao tontolo izao ny kintana hafa rehetra, fa ny Kintana Avaratra dia mijanona marina tokoa, satria eo amin'ny afovoany izy. Ary ny tenin'olona hafa rehetra dia ho diso, fa ny Tenin'Andriamanitra tsy mety diso. Izany no Kintana Avaratra, eo afovoany, tsy hifindrafindra miaraka amin’izao tontolo izao

Izany. Tsy mampaninona izay misy an'izao tontolo izao, Izy mijanona ho tsy miova omaly, anio, ary mandrakizay. Ary Izy no Teny!

⁶⁸ Rahalahy sy anabavy, miangavy anareo aho, amin'ny Anaran'i Jesosy, mba handinika tsara an'Ity. Raha nino ahy ianareo tao amin'izay efa nolazaiko tao amin'ireo taona ireo. Raha Andriamanitra no nanaporofa fa izay nolazaiko dia ny Fahamarinana, tsy izaho, Ny Teniny no nanao an'izany, noho izany dia miangavy anareo aho, amin'ny Anaran'i Jesosy, mba hanamarina an'Ity. Aza jamba amin'ireo zavatra ireo; eo amboninareo mihitsy izany.

⁶⁹ Tsarovy, ny Baiboly no nilaza, ao amin'ny Matio 24:24, fa ireo izay manana ny anarany tsy voasoratra ao amin'ny Bokin'ny Fiainan'ny Zanak'ondry, hatramin'ny fanorenana an'izao tontolo izao, dia handray an'io marika io. Ilay Voafidy irery ihany, izay voatendry hahita an'Izany, no hahita an'Izany. Ny sisa amin'izy ireo dia ho diso an'Izany any amin'ny iray tapitriza maily.

⁷⁰ Mahita an'io hetsika goavana tafapetraka io isika ankehitriny, milina goavana an'i Satana tafapetraka ao amin'ny lamina. Ny zavatra tokana ilainy dia... Manana an'ireo mekanika izy, miandry fotsiny an'ireo dynamikany hametraka azy ao amin'ny hery izy. Ny hetsi-piangonana rehetra, favoriana goavana iray sy ny sisa. Mipetraka any ilay milina goavana, fa miandry an'ilay ora izay hidinan'ilay sarona izy ireo, ary amin'izay fotoana izay dia afaka manao azy izy ireo, ary manery azy, manao azy ho lalana iray. Jereo ireo fampielezam-peo sy ny sisa izay henontsika amin'izao andro izao, eo amin'ny radio sy ireo gazety. Nahoana, eo amboninareo mihitsy izany ankehitriny.

⁷¹ Tsy manana fotoana hanaovana na inona na inona hafa afatsy ny mandray an'i Jesosy Kristy isika. Efa voatondro marina mihitsy Izy.

⁷² Henoy, milaza mikasika ny milina goavana an'i Satana any isika, vonona ny hihetsika, marina izany, ny hanorotoro; saingy, tsarovy, fa ilay ondry vitsin'Andriamanitra izay mino ny Teny, dia vonona ihany koa ireo mekanikany. Vonona izy ny ho ampirehetin'ireo Dynamika amin'ny Fanahy Masina. "Aza matahotra, ry ondry vitsy, fa sitraky ny Rainareo ny hanome anareo ny Fanjakana." Ny Fanahy Masina dia haka Fiagonana kely iray izay nivoaka avy tamin'izao tontolo izao, ireo vehivavy izay manao volo lava, Nazirita, mba hanaporofa fa izy ireo dia efa nanasaraka ny tenany tamin'ny...

⁷³ Ny Nazirita dia anankiray izay... Inona? Ny anankiray izay manasaraka ny tenany, ho an'ny Tenin'Andriamanitra; tsy ireo Jezebela, manao sorta, tarehy miloko, miantso ny tenany ho Kristiana; tsia, tompoko; olona, tena wishy-washy,

izay hanohana anaram-piangonana iray, ary mihazona eo amin'ny rambon'akanjony, an'i Kaisara na Heroda, raha tokony hanohana ny Tenin'Andriamanitra. Fa manana olona mahatoky Andriamanitra, ondrin'Andriamanitra tena izy, izay tsy miraharaha izay lazain'izao tontolo izao. Mino izy ireo fa Jesosy Kristy no tsy miova omaly, anio, ary mandrakizay.

⁷⁴ Tsy malaza izany. Manao anareo ho tsy malaza izany, saingy izany no Fahamarinana! Izany no didin'Andriamanitra mba hatao, ary hataon'Andriamanitra izany. Andriamanitra hitahy anareo. Tsy manao fanahy iniana mandevilevy anareo aho, fa mampitandrina anareo. Tsaratsara kokoa ny mahamay toy izay dorana, amin'ny fotoana rehetra, noho izany dia raiso ny fampitandremana. Miteny ny Fanahy Masina amin'izao andro farany izao.

⁷⁵ Izay rehetra voasoratra ao amin'ny Boky no ho afa-mandositra an'izany. Ankehitriny dia mahita isika, fa vonona ho an'ireo Dynamika hampakatra Azy eny amin'ny lanitra ilay ondry vitsy, mba ho afa-mandositra amin'io fahoriambe rehetra io.

⁷⁶ Nilaza ny olona iray, indray andro rehefa niresaka aho, hoy izy, "Rahalahy Branham, tsy mino àry ve ianao fa handalo fahoriambe ny fiangonana?"

⁷⁷ Hoy aho hoe, "Mino aho fa handalo ny fiangonana, fa tsy ny Ampakarina." Handalo fahoriambe ny fiangonana, eny, tompoko, fa ny Ampakarina dia afaka amin'izany. Handeha any amin'ny Fampakarana Izy, ao anatin'ny fotoana fohy, ao anatin'ny indray mipi-maso. Hakarina hitsena ny Tompony eny amin'ny habakabaka Izy, ho an'ny Sakafon'ny Mpanambady. Tsy misy na inona na inona mihitsy tokony Handehanany amin'ny fahoriambe; ny Tompony no efa nandoa ny vidiny. Tena mankasitraka ny amin'izany isika. Eny, tompoko.

⁷⁸ Taorian'ilay fandàvana, an'ny fiangonana sy firenena, dia antso iray ihany no tonga, ny hetsika manaraka, dia, "Ialao Izany!"

⁷⁹ Izany ilay antso manaraka izay ananantsika. Ny fiangonana dia nandà mafy ny Fanahy Masina. Fantatsika fa nandà izy. Oh, nivoaka avy tamin'ny zavatra rehetra ireo mambra, izany ilay antso lehibe, Presbyterana, Metodista, Batista, Loterana; fa ny fiangonana, izy tenany, ilay anaram-piangonana, tsy afaka mihetsika izy. Tsia, tompoko. Efa nanao anaram-piangonana izy. Inona ilay zavatra amin'ilay izy ankehitriny? "Hohomboy Izany! Hohomboy Izany!" Inona? Manohombo, indray, (inona?) ilay Teny voamarina, ho ny Fahamarinana. Ny Tenin'Andriamanitra, voahombo, indray. Tahaka ny nanimban'i Eva an'ilay izao tontolo izao ara-batana manontolo mihitsy, tamin'ny fandàvana ny anankiray bitika kely tamin'ny

Tenin'Andriamanitra, dia toy izany koa no nanaovan'ny fiangonana an'ilay zavatra iray ihany.

⁸⁰ Mety hilaza amiko ianareo hoe, "Rahalahy Branham, manana ny fandikana diso an'Izany ianao." Eny, izany ilay izy araka ny hevitrareo.

⁸¹ Tsy mila mpandika teny iray Andriamanitra. Andriamanitra no Mpandika teniny Manokana. Izany no olana amin'ilay izy, amin'izao andro izao, manana mpandika teny maro nataon'olona isika. Andriamanitra dia afaka mandika, ny Tenany. Ny fanamarinany Manokana Ny Teniny dia ny fandikana.

⁸² Ireo Fariseo dia mety efa niantsoantso, ihany koa hoe, "Manana ny fandikana izahay!" Hoy ireo Sadoseo hoe, "Manana an'izany izahay!" Fa Jesosy no fandikana. Amena.

⁸³ Ny fanehoana ny herin'Andriamanitra voambara, nampanantenaina, no fanamarinana. Vakio ireo Soratra dia jereo izay tokony haha-izy ny fiangonana amin'izao andro izao. Eny, tompoko. Tsy mila mpandika teny iray Andriamanitra.

⁸⁴ Izany no nataon'izy ireo tamin'i Jesosy. Hitan'izy ireo, tany, fa nihevitra izy ireo hoe tsy nanana ny fandikana Izy. Izy no fandikana. Tsy nila nandika an'Izany Andriamanitra. Ny fiainan'i Jesosy no nandika. Hoy Izy hoe, "Zahao ny Soratra, fa ao Aminy no heverinareo fa anananareo Fiainana Mandrakizay; Izy ireo no Hany manambara Ahy. Ary raha tsy manao an'ireo asan'Ny Raiko Aho, amin'izay fotoana izay dia aza mino Ahy. Fa raha ireo asa izay notenenina ho an'ity andro ity, no tsy maneho ny Tenany eo Amiko," hoy Izy, "amin'izay fotoana izay dia aza mino an'izany."

⁸⁵ Nanao an'izany ve Izy ireo? Hoy Andriamanitra hoe, "Hanan-anaka ny virijiny," dia nanana izy! Mino an'izany ve ianareo? [Hoy ny fiangonana hoe, "Amena."—Mpand.] Izany tokoa; saingy tsy nino izy ireo. "Hanan-anaka ny virijiny," dia nanana izy. Izao no voalaza hoe, "Handeha ny mandringa, hahita ny jamba," sy izay hiseho. Izany no nanaporofa fa hanao an'izany Izy ireo, ary Jesosy no fanehoana.

⁸⁶ Hoy i Mosesy hoe, "Ny Tompo Andriamanitrareo dia hanangana Mpaminany iray, tahaka ahy." Tonga amin'ny mpaminany ny Teny. Ary, ny mpaminany, ny Teny dia mpamantatra an'ireo eritreritry ny fo. Rehefa hitan'izy ireo Izy nanao an'io famantarana io, dia hoy izy ireo hoe, "Belzeboba io, mpanao hatsarana iray." Tsy latsak'izany ny anarana iray izay apetak'izy ireo eo Aminy. Ilay zavatra iray ihany amin'izao andro izao, antsoina hoe ny "holy-roller," na zavatra tahaka an'izany. Marina izany. Na dia . . .

⁸⁷ Tsy mila fandikana Izy. Izy no fandikana. Andriamanitra no nanaporofa an'izany tamin'ny alàlan'ny Tenany. Iza ilay olona mpanota androany, na iza ilay olona mpanota tamin'izany andro izany, izay handà fa tsy voadika ny Teny?

⁸⁸ Nanontany azy ireo Jesosy, nanao hoe, “Zahao ny Soratra. Izy ireo no manambara hoe Iza Aho. Izy ireo no fandikana. Raha tsy mandika an’izay Resahako ny Fiainako, amin’izay fotoana izay dia aza mino Ahy.”

⁸⁹ Olona mpanota inona no mety hisy androany, izay afaka hijery manatrika ny Baiboly ka hahita fa tsy ny Fanahy Masina no mpandika ny Teny androany, mampahafantatra ny Tenany amin’ny alàlan’ireo fanehoana ny teny fikasan’ireo fanomezampahasoavana, sy ireo zavatra izay Nampanantenainy fa hatao amin’izao andro izao? Tanteraka ny Malakia 4, tanteraka ny sisa rehetra amin’ny Soratra, ary mahita an’izany eto mihitsy eo amin’ny faran’ny fotoana! Tsy mila olona iray handika an’Izany mihitsy ianareo. Tsia, tompoke. Mandika ny Tenany Izany. Izany no manaporofo fa Izany no Hafatry ny ora! Mibebaha ary miverena amin’Andriamanitra, izao tontolo rehetra izao! Ianareo fiangonana, mibebaha ka miverena amin’Andriamanitra! Aza miezaka manasa Azy hiala amin’ny tanganareo, satria tsy vitanareo izany. Mandeha ny adi-hevitra ankehitriny, tahaka azy tamin’izany.

⁹⁰ Hoy Izy hoe, “Zahao ny Soratra; Izy ireo no manambara Ahy.” Hoy Jesosy hoe, “Ireo Asako no Mpandika teniko.”

⁹¹ Niteny tamin’i Mosesy Izy, rehefa nihaona taminy Izy tany teo amin’ilay roimemy nirehitra, hoy Izy hoe, “IZAHÓ NO IZY. Tsaroako ny Fampantanenako. Tsaroako fa Izaho no hamoaka ny olona, amin’ny tanganana mahery iray. Izaho no nanao ny teny fikasana, ary handeha hiaraka aminao Aho. Maniraka anao Aho. Ianao ho Mpitondra teniko fotsiny, ary ireo famantarana no handika na Izaho no naniraka anao na tsia.” Amena.

⁹² Izany no tokony tadiavin’ireo lehilahy sy vehivavy amin’izao andro izao, teny fikasana iray ho an’ny fifindrana iray hafa, sy fandikana ny Tenin’Andriamanitra tonga voaseho.

⁹³ Ny olana amin’izany, amin’izao andro izao, dia hoy izy ireo hoe, “Eny, tsy mino an’Ity ny fiangonako.” Inona ny olana? Miaina ao amin’ny aloky ny taona hafa iray ianareo. Ireo fiangonana ireo dia tsara tao amin’ny taonany, fa ahoana ny amin’ity taona ity? Ity dia taona hafa iray.

⁹⁴ Tsy ho nahavita an’i Wesley hino an’i Luther mihitsy ianareo, tsy nisy fanamasinana teo. Tsia, tompoke.

⁹⁵ Tsy ho nahavita ny Pentekotista hino ny Batista mihitsy ianareo, na tahaka an’izany, hiverina amin’izany. Nahita zavatra iray tsaratsara kokoa izy ireo. Niaina tao amin’ny hazavan’ny androny izy ireo.

⁹⁶ Ary, amin’izao andro izao, dia nandrafitra ny Pentekosta ary mipetraka tsara mihitsy tahaka ny nataon’izy ireo, ilay zavatra iray ihany marina tokoa izany. Fa manohy mandroso ny Teny, ary mandroso manalavitra azy ireo mihitsy Izany. Tena marina tokoa izany, satria lasa tena henjana sy tena madity isika.

Avelantsika miditra ao amin'ny karazan-toerana rehetra ireo fiangonantsika, manohy mandeha avy hatrany. "Raha mbola manana mambra foana izahay, dia izay ihany no ilaina, satria manana maro nohon'ny nanananay hatramin'izay izahay." Saiky izay ny ibontsinantsika.

⁹⁷ Mamelà ahy hiteny zavatra iray izay ohabolana fahiny, hoe, "Ny devoly no manisa ny vahoakany betsaka, fa Andriamanitra mandanja ny Azy."

⁹⁸ Izany dia mbola marina, ihany koa, amin'izao andro izao. Mandanja anareo amin'Ny Teniny Andriamanitra, mijery raha hita ho maivana ianareo na tsia. Tsy ahoako ny amin'ireo vahoaka betsaka, hoe firy, tsy malaza toy ny ahoana Izany. Izany no Tenin'Andriamanitra tonga voaseho ho an'ity ora ity. Marina tokoa. Tsy ahoako ny amin'ireo vahoaka betsaka, sy hoe iza no tonga ary iza no tsy tonga. Ilay izy dia ny Tenin'Andriamanitra no lalaovina, tahaka azy tao amin'ny efitra fitsaran'i Pilato. Lanjao Izany, dia jereo izay hitantsika, aiza isika no hita ho maivana. Eny, tompoko. Mino isika fa Jesosy Kristy no tsy miova omaly, anio, ary mandrakizay.

⁹⁹ Hitantsika fa Izy no niteny tamin'i Mosesy hoe, "Homba anao Aho, ka hampiasa ny vavanao fotsiny Aho. Mandehana teneno ireo teny izay Teneniko aminao, ary ireo famantarana no handika ny tenany."

¹⁰⁰ Hitanareo, tsy mila mpandika teny mihitsy Andriamanitra. Oh, tsia, tsy tokony ho mpandika teny mihitsy izy. Ny fandikan'Andriamanitra no manaporofy ny Tenany. Izy no nilaza fa Izy no mpandika Ny Teniny Manokana, ary izany Izy. Nataony izany, tamin'ny alàlan'i Mosesy, ary Ataony izany amin'izao andro izao. Isika dia mahafantatra Azy, ao amin'ny Baiboly, ho Elohim. *Elohim dia* "ilay Anankiray ampy tanteraka." Tsy mila toro-hevitr'olona Izy. Mijoro irery Izy. Andriamanitra Izy, ary Izy no Teny. Ary rehefa mampanantena zavatra iray ny Teny, ka manao Azy ho voatondro eo anatrehanareo, dia karazana fandikana inona no ilainareo ankoatran'izany?

¹⁰¹ Oh, ry lehilahy sy vehivavy mpanota, iza moa ianareo izay hitsangana ka hilaza fa diso Izany? Nefa Andriamanitra, miaraka amin'Ny Fanahiny Masina sy ny Teny nampanantenaina, no mandika Azy eo anatrehan'ny tsirairay avy amintsika, iza moa isika no hilaza fa diso Izany? Oh, ry olona mpanota, ahoana no ahafahanareo hanao an'izany? "Mpanota, inona no tianao ho lazaina amin'izany, Rahalahy Branham?" Tsi-finoana! Anankiray ihany ny fahotana misy, izany dia ny tsi-finoana. Tsy mila fandikan'olona adaladala izany!

¹⁰² Izy no mandika ny Azy Manokana. "Izaho no Tompo," hoy Izy, "Izaho no namboly Azy; Izaho no hanondraka Azy, andro aman'alina, fandrao hisy handrombaka Azy amin'ny Tanako." Nilaza koa Izy, ao amin'ny Soratra iray hafa, hoe, "Miambina

Ny Teniny Izy, mba hanatanteraka Azy.” *Manatanteraka Azy, “manambara” Azy amin’ny (inona?) Ny Voafidiny, amin’ireo izay nanirahina azy mba hahita, izay nirahina mba hahita Azy, raha ny marina. Manatanteraka an’Izany ho an’ireo izay nirahina mba hahita Izy, mba hahita Azy.*

¹⁰³ Miambina Azy Izy, mitahiry Azy ho lavitr’ireo fandikana adala ara-nofo, ireo zavatra ireo, hoe, “*Ity no marina, ary itsy no marina, ary itsy no marina.*” Andriamanitra no marina, ilay olona voatondron’Andriamanitra!

¹⁰⁴ Afaka nitsangana ireo Fariseo, nanao hoe, “Avy amin’Andriamanitra izahay! Manana ny lalàna izahay. Manana an’ity izahay.” Fa nitsangana teo ny Teny, Izy tenany. Hoy izy ireo, “Alaviro Izany! Hohomboy Izany! Tsy manondro ny Tenany amin’izay inoantsika Izany.”

¹⁰⁵ Fa nanondro ny Tenany tamin’ny Teny Izany. Amena. Ireo izay nanana maso hahita, no nahita an’Izany. Ireo izay jamba tsy nahita an’Izany.

¹⁰⁶ Tsy hahita an’izany koa izy ireo amin’izao andro izao. Izay ihany. Handeha izy ireo, hanisy tombokase ny tenany, ny maro amin’izy ireo, hanalavitra an’Izany.

Oh, eny, amin’ny fanatanterahana an’Izany, maneho an’Izany ho marina!

¹⁰⁷ Hoy ny sasany hoe, “Mino ny betsaka amin’Izany aho. Rahalahy Branham, afaka mino ny Baiboly aho. Mankafy ny Baiboly aho. Mpankafy Baiboly aho. Mino an’izao-sy-izao aho. Mino an’i Jesosy Kristy aho, ilay Zanak’Andriamanitra. Saingy tsy afaka mino ny rehetra amin’Izany aho, satria ny anaram-piagonako dia milaza fa tsy tahaka an’izany Izy.”

¹⁰⁸ Noho izany dia karazana mpandika teny inona no anananareo? Ilay karazana iray ihany izay nananan’i Eva, ny devoly. Niezaka nandika ny Teny tamin’i Eva izy, ka hoy izy hoe, “Oh, *ity dia marina, ary itsy dia marina, saingy azo antoka tokoa...*” Azo antoka tokoa, marina izany! Izay lazain’Andriamanitra, dia marina Izany! Tsy ahoako hoe hafa toy ny ahoana Izany amin’ireo hafa. Rehefa Andriamanitra no nilaza fa hitranga ilay izy, dia ho tahaka an’izany ilay izy. Hampiasa an’ilay mpandika tenin’i Eva ve ianareo? Oh, ry olona mpanota, ahoana no ahafahanareo hanao an’izany? Eny, tompoko. Nandray an’ilay mpandika tenin’i Eva izy ireo.

¹⁰⁹ Ny porofo, araka ny nolazaiko indray andro, miezaka mametraka porofo isika. Hoy i Luther hoe, “Minoa, dia mandehana.” Ny devoly dia mino, ihany koa. Hoy i Wesley hoe, “Mikiakiaha, dia manana Azy ianareo,” saingy hitany fa tsy nanana izy. Hoy ny Pentekosta hoe, “Mitenena amin’ny fiteny tsy fantatra, dia manana Azy ianareo.” Tsy nanana izy ireo. Hoy ny Siansa Kristiana hoe, “Ny fitiavana, dia manana ny vokatry

ny Fanahy ianareo,” saingy tsy nanana izy ireo. Mandà ny maha-Andriamanitra an’i Jesosy Kristy izy ireo.

¹¹⁰ Inona no porofon’Izany? Rehefa io fanahy izay ao anatinareo io no afaka manisy tsindrim-peo ny teny fikasana rehetra amin’ny amena iray, ka Andriamanitra no hanamarina an’izany. Tahaka an’izany marina tokoa ilay izy tamin’i Jesosy Kristy. Oh, eny. Izy ireo dia nanana, nanana betsaka ny vokatry ny fanahy izy ireo, nanana ny karazana porofo rehetra izy ireo. Tsy afaka mamekala porofo iray eo amin’ny zavatra iray afatsy Andriamanitra Izzy tenany maneho Ny Teniny ianareo. Izany ihany no porofo marina izay misy fa hoe Kristiana iray ianareo. Ahoana no ahafahanareo ho Kristiana iray nef... .

¹¹¹ “Tamin’ny voalahany ny Teny, ary ny Teny tao amin’Andriamanitra, ary ny Teny dia Andriamanitra. Ary ny Teny dia tonga nofo ka nonina teo anivontsika. Ilay tsy miova omaly, anio, ary mandrakizay!” Izy no ilay Andriamanitra iray ihany izay tao amin’i Davida. Izy no ilay Anankiray ihany izay tao amin’i Mosesy. Izy no ilay Anankiray ihany izay tao amin’ireo apostoly rehetra. Ary Izy no ilay Anankiray ihany izay tao amin’i Jesosy Kristy, mba haneho ny Tenany teo ho an’io Teny nampanantenaina io. Ary Izy no ilay Andriamanitra iray ihany androany, ilay Teny iray ihany, izay mandefa Hazavana eo amin’ny Tenin’ny ora. Hamindra fo amintsika anie Andriamanitra! Eny, tompoko. Mino an’Andriamanitra handika ny Tenany, ny Teny rehetra ho voamarina! Eny, Izy no Mpandika teniny Manokana.

¹¹² Rahalahy, mieritreritra an’ilay ora aho! Afaka mijanona ela be eo amin’ity aho, saingy manana favoriana iray ho avy isika. Mino aho, ary hilaza aho, androany; raha tsy mitandrina isika, dia eo an-tànantsika Amerikana Izzy. Eritrereto izany. Tsy milaza an’izao ho fahatezerana aho; milaza an’izao ho Hazavana aho. Milaza aho fa eo an-tànan’ny fiangonana Amerikana ny Ràn’i Jesosy Kristy androany. Ny Ràn’i Jesosy Kristy dia eo amin’i Amerika, manontolo. Ny Ràn’i Jesosy Kristy dia manohitra ny Metodista, Presbyterana, Loterana, Pentekotista. Eo an-tànantsika rehetra Izany. Ndao jerentsika raha izany ilay izy ankehitriny. Eritrereto izany, ny Ràn’i Jesosy Kristy! Oh, oadray!

¹¹³ Ary tahaka an’i Pilato tamin’io andro io, izany dia mampahatsiah y ah y an’ireo fomba telo izay nandraman’i Pilato hanesorana an’Izany teo an-tànany. Nanandrana tamin’ny fomba telo izy hanala an’Izany teo amin’ny tònany, saingy tsy nahomby izy. Fomba tokana ihany no hanesoranareo an’Izany amin’ny tònanaareo. Ndao jerentsika izay nataony. Nanandrana tamin’ireo fomba telo ireo i Pilato, fa tsy nahomby izy rehetra.

¹¹⁴ Tsy maintsy manatrika an’ilay adi-hevitra isika. Fantatsika fa eto izany, satria efa voatondro tamin’ny alalan’ny porofon’ny

Soratra Ny Teniny. Ilay Teny nampanantenaina ho an'ny andro dia tonga nofo, na dia ho an'ilay ampahany ratsin'ny fandàvana an'i Jesosy Kristy aza; ary Izzy, ao amin'ity Taona Laodikiana ity, dia any ivelan'ny fiangonana. Fantatsika fa izany no Fahamarinana. Eritrereto izany, ny Ràn'i Jesosy Kristy, Zanak'Andriamanitra, eo an-tànantsika. Ianareo... Mampahatahotra ahy, ny mieritreritra an'izany. Ny mandalo eo Aminy, mampamari-koditra izany, ny mieritreritra, ny Ràn'i Jesosy Kristy!

¹¹⁵ Nefa, ny olona iray dia hitandrina ny ràn'ny lehilahy namany manokana. Indray mandeha tany Chicago, vao tsy ela akory izay, nitsangana tany ny sakaizako iray rehefa ny iray tamin'ny—ny antokon'i Dillinger, na inona na inona ilay izy, no voatifitra teny an-dàlambe. Nitangorona ny olona, tamin'ny an-jatony, ary nitsangana nanodidina izy rehetra. Fa, izy ireo, inona no nataon'izy ireo? Teo amin'izay neparitahan'io rà teo an-dàlambe io, sy ilay lavaky ny bala, dia nandeha nihodina an'io rà io ny olona rehetra. Tsy te-hanitsaka an'ilay ràn'ny lehilahy sakaizany izy ireo. Oh, tsia, tompoko. Tena miahayah be an'izany izy ireo.

¹¹⁶ Fa handeha avy hatrany eo amin'ny Ràn'i Jesosy Kristy izy ireo. Mbola marina foana ity fitenenana fahiny ity hoe, "Ny adala dia handeha miaraka amin'ny kiraro feno fantsika eo amin'izay atahoran'ny Anjely hitsahina." Marina izany, handeha avy hatrany eo ambonin'Izany izy ireo, manao hoe, "Efa lasa ireo andron'ny fahagagana. Nety tsara izany ho an'ireo apostoly, fa tsy ho antsika." Oh, oadray, ahoana no ahafahanareo milaza an'izany? Manitsaka eo ambanin'ny tongotra ny Ràn'i Jesosy Kristy izay nanamasina anareo ianareo! Oh, oadray, eritrereto ilay Rà eo an-tànantsika!

¹¹⁷ Inona, ny ràn'ny olona sakaiza iray. Mieritreritra ny amin'ny vao tsy ela akory aho, herinandro vitsy lasa izay, nefi isika dia nihevitra fa tsy mety hitranga ao amin'ny firenentsika izany. Ahoana ny amin'io lehilahy io, Oswald? Nipetraka tao amin'ilay efitry ny fonja, tsemboka tanteraka, raha tao amin'ny sainy tsara izy.

¹¹⁸ Ary mieritreritra ny amin'ny olona iray izay hihaino an'ity horonam-peo ity aho, na mipetraka manatrika eto, na aiza na aiza, ka mihaino ny Hafatra, manaiky an'izany; tsemboka tanteraka, mahafantatra fa tsy maintsy ho tonga eo amin'ny fitsarana ianareo ka hamaly ny amin'ny Tenin'Andriamanitra, hamaly ny amin'ny Ràn'i Jesosy Kristy, izay natolotra anareo, eo an-tànanareo, eo an-tànantsika.

¹¹⁹ Mariho i Oswald nipetraka teo, mety ho zavatra iray mampahatahotra toy ny inona izany ho azy, na efa izany, na heveriko fa izany ilay izy, rehefa nieritreritra izy fa hanatrika Fitsarana Tampony iray tezitra miaraka amin'ny hatezerana nohon'ny famonoana ny Filoham-pireneny izy. Tsy

hisy famindrampo eo. Ny porofo rehetra izay azon'izy ireo atolotra hanohitra azy, dia hasesika hanohitra azy. Ireo dian-tanana, basy, ny toerana nisy azy, ho entina eo anatrehany daholo.

¹²⁰ Zavatra maivana iray izany ho an'izay hisy eo amin'ireo olona izay mipetraka ao amin'ireto fivoriana ireto sy mijery an'i Jesosy Kristy miseho amin'ny endriky Ny Vatany, ka manondro ny Tenany, nefo mivoaka tsy manaiky Azy ianareo, mihazona eo amin'ny fanekem-pinoana kely iray, na zavatra izay antsoinareo hoe tsara tarehy. Ho zavatra maivana iray izany, rehefa mipetraka eo amin'ny Fanatrehan'Andriamanitra tezitra ianareo, izay nanitsaka ny...ianareo izay nanitsaka ny Ràn'Ny Zanany Manokana, ka nanohombo Azy indray ao amin'ny sainareo, nanakalo ny fizokianareo tamin'ny laza iray. Ho zavatra mahatsiravina iray izany amin'io andro io. Ho fisainana mahatsiravina iray izany. Ahoana no ahafahanareo mipetraka ao anatin'io efitry ny fonja mahatsemboka io?

¹²¹ Ianareo teratany any Afrika; ianareo any Australie; Suede; Soisa; ianareo, izay mihaino an'ity horonam-peo ity: Ahoana no hamalianareo amin'ny Andron'ny Fitsarana, nefo efa tany amin'ny firenenareo aho ary efa nahita ny fanondroana an'i Jesosy Kristy niseho teo anivon'ny olona ianareo, sy nanaporofo ny Tenany?

¹²² Tsemboka, oadray, tsy maintsy tsemboka tamin'izany izy! Oh, ahoana no nahafahany nanao an'izany raha tao amin'ny sainy tsara izy?

¹²³ Karazana Andriamanitra tezitra iray inona no neverinareo hisy ho an'ireo izay nanitsaka teo ambanin'ny tongotra an'ilay Zanak'Andriamanitra, sy nanohombo Azy indray, indray?

¹²⁴ Mariho, ny mpanamory iray, rehefa vonona ny hanao sidina iray izy. Ny mpanamory iray izay hanao sidina iray, dia hanamarina ny zavatra rehetra alohan'ny hiaingana, ny fitaovana rehetra. Handroso eo amin'ny làlam-piaingana izy, sy hitsangana eo ary hanamarina ny filkopaky ny elatra, hanamarina ny saron'ny fitoeran-tsolkany. Ny zavatra rehetra, ny fitaovana rehetra izay ananany, dia amarininy hatrany sy hatrany izany. Maro aminareo no efa nandeha fiaramanidina, ary mahafantatra fa izany no fahamarinana. Manamarina ny fitaovana rehetra izy. Nahoana? Manana ny ràn'ny olona sakaizany eo an-tanany izy. Te-hahazo antoka izy fa mandeha tsara arak'izay azo atao ny zavatra rehetra.

¹²⁵ Ahoana ny amin'ny dokotera iray ao amin'ny fandidiana, rehefa fantany fa handidy izy, hanala fivontosana iray na fo iray, na zavatra hafa iray, ka handidy an'izany? Rehefa handidy ny vatanareo izy, dia hamarininy ny fonareo, hamarininy ny tosi-drànareo, hamarininy raha voan'ny sery ianareo, hamarininy ireo fampatoriana. Manamarina ny zavatra rehetra izy, hatrany

sy hatrany, ary hatrany indray. Nahoana? Tsy te-hanana ny ràn'ny olona sakaizany eo an-tànany izy.

¹²⁶ Ary raha ny dokotera iray na mpanamory iray, sy ny sisa, no hanamarina, dia ahoana no tokony hataon'ilay Fianganon'i Jesosy Kristy, rehefa mahita an'ireo zavatra izay iainantsika amin'izao andro izao isika? Tsaratsara kokoa amintsika ny manamarina. Mety hijanona eo an-tànantsika ny Ràn'i Jesosy Kristy.

¹²⁷ Ankehitriny dia ndao isika haka zavatra anankiray, ny planin'i Pilato voalohany, dia, "Tsy mahita fahadisoana ao Aminy aho."

¹²⁸ Toy ny ahoana no isian'izany eo anivon'ny maro amin'ireo vondrona tsara amin'izao andro izao! "Tsy mahita fahadisoana eo amin'ny Teny aho. Mety tsara daholo izany, saingy ho an'ireo apostoly izany." Ny Baiboly no nilaza fa Izy no tsy miova omaly, anio, ary mandrakizay! Hoy ianareo hoe, "Mety tsara ity Baiboly ity. Mino aho fa niteny tamin'ny fiteny tsy fantatra izy ireo; mino aho fa nandroaka devoly izy ireo; mino aho fa namantatra an'ireo eritreritra izy ireo; mino aho fa nisy ny mpaminany; saingy tsy amin'ity andro ity." Oh, andriamatoa, olona mpanota, inona ny olana aminareo? Inona no mitranga rehefa ny Matio ny faha-28...24:24 no mipetraka mihitsy eo indray? Hebreo 13:8 no miverina avy hatrany indray eo amin'ny lohalikareo.

¹²⁹ Pilato, tsy afaka nanasa an'Izany niala teo amin'ny tònany tahaka an'izany izy. Tsia, tompoko, niverina avy hatrany indray teo amin'ny lohaliny Izany. Ho toy izany koa ilay izy ho an'ny olona rehetra, rehefa nitsangana ianareo ka nahita an'Andriamanitra mihazona ny Fampanantenany.

¹³⁰ Petera no nilaza, tamin'ny Andron'ny Pentekosta hoe, "Mibebaha, ny tsirairay avy aminareo, ary aoka hatao batisa amin'ny Anaran'i Jesosy Kristy ho famelàna ny fahotana, ary ianareo handray ny fanomezan'ny Fanahy Masina. Fa ny teny fikasana dia ho anareo, sy ho an'ny zanakareo, ary ireo izay lavitra, arak'izay antsoin'ny Tompo Andriamanitsika."

¹³¹ Hatraiza? "Any amin'izao tontolo rehetra izao, amin'ny firenena rehetra." Voalaza fa amin'ny firenena rehetra Izany. "Mandehana ianareo any amin'izao tontolo rehetra izao." Tsy mbola tratra izany. "Mitoria ny Filazantsara amin'ny olombelona rehetra. Izao famantarana izao no hanaraka an'ireo izay mino."

¹³² Ahoana no hanasanareo an'Izany hiala amin'ny tònany aminareo? Tsy afaka manao an'izany ianareo. Izany dia efa voamarina, ary miverina avy hatrany indray eo amin'ny lohalikareo. Izany dia mamerina lelan'afy, tahaka ny nataony teo amin'i Pilato mihitsy. Oh, eny, tompoko, miverina avy hatrany indray aminareo izany, rehefa mahita ny Soratra voatondro mihitsy eo anatrehanareo ianareo.

¹³³ Faharoa, raha mamarana isika. Faharoa, mahita isika, fa nisy fomba hafa iray nandraman'i Pilato hatao, toy izany koa no ataon'ny olona amin'izao andro izao, manilika an'ilay izy any amin'ireo Herodany sy Kaisarany. Mpitoriteny tsara maro amin'izao andro izao, Episkopaliana, Presbyterana, Loterana, Batista, Pentekotista, sy ny sisa, no hanilika an'Izany hoe, "Ireo foibeko no anankiray izay tsy hamela ahy hanao an'izany." Izany dia namerina lelan'afو. Mamerina lelan'afо indray Izany amin'izao andro izao.

¹³⁴ Tsy manontany ny Assemblée de Dieu aho, ny an'ny Tokana, ny fiangonan'Andriamanitra, ny Metodista, ny Batista, ny Presbyterana. Manontany anareo aho, amin'ny maha-isambatan'olona, inona no ataoareo amin'ny Ràn'i Jesosy Kristy? Inona no hataontsika amin'ity Tenin'Andriamanitra voahosotra ity izay eto anatrehantsika mihitsy androany, izay fantatsika fa tsy maintsy, Kristy izany, ilay teny fikasan'ny ora? Inona no hataonareo amin'Izany? Tsy izay anaovan'ny fiangonanareo Azy. Tsy misy idiran'ny Kaisaranareo sy ny Herodanareo amin'izany. Tsy nahafa-tsiny an'i Pilato izany. Tsia, tompoko. Tsia, tompoko.

¹³⁵ Ireo Fariseo an'io andro io, nanao hoe, "Aoka Ny Ràny ho aminay, sy eo amin'ny zanakay." Eo Izany. Marina tokoa izany.

¹³⁶ Inona no Noteneniny, Jesosy, tamin'izy ireo? "Mahay mamantatra ny endriky ny lanitra ianareo, fa tsy mahay mamantatra an'ireo famantaran'ny fotoana."

¹³⁷ Ary, oh, tsy milaza an'ity ho an'i Phoenix aho, fa milaza azy ho an'izay tiandy handehanana na aiza na aiza. Ianareo Fariseo jamba! Ahoana no ahafahanareo, mandany antapitrisy dolara, mahay mamantatra ny kominisma ianareo; fa ny Tenin'Andriamanitra, voamarina ho an'ilay ora, dia tsy hainareo fantarina? Manohombo Azy indray ianareo. Ianareo rehetra dia mahafantatra ny kominisma; raha nahafantatra ny Baibolinareo ianareo, dia ho nahafantatra ny zavatra izay tsy maintsy hitranga. Tsy izany no mahaliana ahy. Mankahala ny kominisma aho. Mankahala ny zavatra rehetra izay manohitra an'Andriamanitra aho. Fa ny mahaliana ahy dia ity, ny Fianganana izay vonona ho an'ity ora ity, ho an'ny fandehanan'ny Ampakarina.

¹³⁸ "Mamantatra ny endriky ny lanitra, fa ireo famantaran'ny fotoana tsy hainareo fantarina."

¹³⁹ Ary eo amin'ny Raharaha-pitsarany amin'izao andro izao, dia ao amin'ireo fitsarana Federaly mba hanao an'io Fiombonamben'ny Fianganana io, sy ny sisa. Mahay mamantatra ny kominisma sy ireo zavatra rehetra izay torian'ireo mpitory teny ianareo; ka mandeha eo ambonin'ireo famantaranana ny fotoana mihitsy, ary miantso an'Izany ho "fanatisme," miantso an'Izany ho "fifandraisana ara-tsaina," na

zavatra tahaka an'izany, dia miala, ka mandrara ny olony tsy ho avy handre an'Izany mihitsy aza. Raha tsy mamerina ny tenany indray ny tantara, izaho, dia tsy William Branham ny anarako. Marina tokoa. Inona no hitranga? Manipy ny Ràn'i Jesosy Kristy miverina avy hatrany indray eo an-tànananareo Izany, ka ianareo dia miantsso an'Izany ho "fanahy maloto," tahaka ny nataon'izy ireo tamin'izany.

¹⁴⁰ Manerana an'izao tontolo rehetra izao! Ataoko fa fantatrareo izay tiako nolazaina. Hatraiza hatraiza! Nahoana ianareo no nandà ahy, tany Soisa? Nahoana ianareo no nanao an'izany, tany Finlande? Ho eo an-tànananareo manokana ilay Rà. Izany hoe eo aminareo. Tsy izaho, tsy nandà ahy mihitsy ianareo; nandà Azy ianareo, tsy izaho, satria hoy ianareo hoe, "Tsy mino an'izany zavatra izany aho." Ny Teny no milaza zavatra! Eo ianareo izao. Fariseo jamba, mahay mamantatra ny kominisma izy ireo, mamantatra an'ireo zavatra rehetra ireo, fa, ilay ora izay iainan'izy ireo, dia tsy hainy ny mamantatra an'izany. Marina tokoa izany.

¹⁴¹ Ankehitriny dia efa saiky tonga eo amin'ny (oadray!) tanjony farany indray izany. Eto indray ilay ora sarotra. Inona izany? "Hohomboy Izy! Izahay dia hanao... Tsy afaka manao azy rehetra ho Metodista izahay; tsy afaka manao azy rehetra ho Batista izahay; tsy afaka manao azy rehetra ho an'ny Tokana izahay; tsy afaka manao azy rehetra ho Trinite izahay; tsy afaka manao azy rehetra ho *ity, itsy*, na ny *hafa* izahay; saingy afaka manana fivoriambe iray izahay." Fa, tsy mifanaraka lavitra tahaka ny Atsinanana amin'ny Andrefana ianareo, ka diso ny zavatra manontolo. Tsikombakomban'i Roma iray izany. Marina tokoa izany.

¹⁴² Ankehitriny, amin'ny maha-isam-batan'olona, dia hanontany anareo aho. Inona no hataonareo amin'ity Teny voahosotra izay Kristy ity, ny Teny izay nampanantenaina ho an'ity andro ity? Ianareo, amin'ny maha-isam-batan'olona iray?

¹⁴³ Tsy nahafaka an'Izany teny amin'ny tènany mihitsy i Pilato. Fantatrareo izany. Nihiakiaka izy, niantsoantso, sy ny planina rehetra izay azony natao. Tsy nahomby tamin'ny fanaovana an'izany izy. Misy angano iray any Soisa any, izay misy mai-...rano manga mitambolombolona, izay namonoany tena. Fantatrareo ny tantaran'ilay izy. Nanao azy ho lasa adala izany tamin'ny farany, ka namono tena izy. Nahoana izy no tsy nibebaka? Tsy afaka nibebaka izy, tahaka an'i Esao tsy afaka nibebaka. Nataony izany! Aza mamela an'izany hitranga eo aminareo.

¹⁴⁴ Eo an-tànananareo Izy. Vita ireo asa, voatory ny Baiboly, nanondro Azy ny Fanahy Masina. Ny olona mpanota rehetra, sahinareo ve ny hilaza fa tsy tahaka an'izany Izy, ny Fanahy Masina amin'izao andro farany izao! Ary ny Teny izay

efa voateny, dia nilaza fa hiseho Izany, ary indro Izy eo anatrehantsika mihitsy.

¹⁴⁵ Aza manandrana manao an'izany. Aza mamela ny fiafaranareo ho tahaka an'i Pilato. Tsia. Tokony ho nanaiky Azy tao am-pony izy. Izay ihany no fomba tokana ahafahanareo manala Azy eo amin'ny tanganareo, dia ny mandray Azy ao amponareo. Oh, aza manao an'io fahadisoana iray ihany io.

¹⁴⁶ Henoy, Hebreo 10 no milaza an'izao, "Raha minia manota isika," minia tsy mino, "rehefa avy nandray ny fahalalana ny Fahamarinana isika, dia tsy misy fanatitra ho an'ny ota tavela intsony." Raha minia manota ianareo rehefa avy voatondro taminareo Izany, nefo avy eo ianareo dia manda an'Izany, dia tsy banana anjara tanteraka intsony mba hibebahana ianareo.

¹⁴⁷ Iray minitra fotsiny, manana naoty iray aho eto izay tiako entina aminareo alohan'ny hamaranana.

¹⁴⁸ Tahaka an'ireo mpisafo tany teo amin'ny lèlana nankany amin'ny tany nampanantenaina. Tao amin'ny fifindrana iray izy ireo, nivoaka avy tao Egypta, nivoaka tamin'ny alàlan'ny Tenin'Andriamanitra nampanantenaina iray. Nampahafantatra Ny Teniny tamin'ny alàlan'ny mpaminany iray Andriamanitra, Mosesy, naniraka azy nankany. Izy dia voatondro fa Izy no Andriamanitra hamoaka azy eo ambanin'ireo toerana izay Nampanantenainy, ilay "IZAHO NO IZY."

¹⁴⁹ Rehefa tonga teo amin'ny sisin-tany izy ireo, Kadesy-barnea, ny fahadisoana lehibe izay nataon'izy ireo, rehefa tonga teo amin'ilay tany izy ireo ka njery nankany amin'ilay tany nampanantenaina, dia hoy izy ireo hoe, "Tsy afaka maka azy isika." Inona ilay folo hafa? Nijery an'ireo toe-javatra izy ireo, ilay laza izay verin'izy ireo. "Tsingentana isika, eo anilan'izy ireo."

¹⁵⁰ Fa nanamarina i Josoa sy Kaleba. Niverina tamin'ny Teny izy ireo, ka hoy ny Tompo hoe, "Omeko anareo io tany io! Tany tsara izy, tondra-dronono sy tantely." Tsy nasian'izy ireo vidiny hoe toy ny ahoana ilay izy, inona *ity*, ary inona *ity* porofo *ity*. Hoy ny Tenin'Andriamanitra hoe, "Omeko anareo izy! Mandehana alaivo izy!" Ary izy ireo ihany no hany niditra.

¹⁵¹ Oh, ndao isika hanamarina an'ireo fampanantenan'Andriamanitra ho an'izao andro izao. Marina izany. Tsarovy, ao amin'ny fifindrana hafa iray isika, fotoana iray; fifindrana iray, izao fotoana izao, tsy ho ao amin'ny tany nampanantenaina iray eto an-tany, fa ho ao amin'ny Tany nampanantenaina iray an'ny Voninahitra, izay tsy misy fiverenana intsony. Voninahitra ho an'Andriamanitra, ho any isika! [Elanelana tsy voaraki-peo—Mpand.]

Hanao an'izany ve ianareo, raha manondrika ny lohantsika isika?

¹⁵² Hanontany an'ity fanontaniana ity aho raha mbola mipetraka tsara ny lehilahy sy ny vehivavy rehetra. Inona no hataonareo amin'ity Jesosy antsoina hoe Kristy ity? Hanaiky Azy ve ianareo? Handray Azy ho Mpamonjinareo ve ianareo? Ianareo ve ho... Sa, hanasa Azy hiala amin'ny tanganareo ianareo? Hanandrana hanilika ve ianareo hoe, "Eny, ny—ny fanekem-pinoako tsy milaza an'Ity," na, "ny anaram-piagonako tsy mino Azy tahaka an'izany mihitsy"? Eo an-tanganareo mihitsy Izany. Tsy afaka miala lavitra an'Izany ianareo. Inona no hataonareo amin'i Jesosy antsoina hoe Kristy? Eo an-tanganareo Ny Ràny, hatramin'ity herinandro tao amin'ny fivoriana ity.

Ndao isika hivavaka.

¹⁵³ Tompo Jesosy, ampio izahay izao ankehitriny izao mihitsy ao amin'ity ora ity. Aoka homba anay ny Fahasoavano sy ny famindramponao. Aoka ity fiangonana ity hahita, Tompo, fa Ianao no Andriamanitra, ary tsy misy afa-tsy Ianao. Aoka ny Herin'Andriamanitra ankehitriny, ny Teny, hanondro ny Tenany, ao amin'ity vahoaka ity, mba ho fantatra fa Ianao no Andriamanitra, ary efa niteny ny Fahamarinana aho, Tompo. Nataoko izany, izao, araka ny Baikonao; tahaka ny nolazain'i Elia efa ela izay hoe, "Nanao an'ity rehetra ity aho araka ny Baikonao." Ekeo, Tompo, mba ho tanteraka izany, amin'ny Anaran'i Jesosy Kristy. Amena.

Ankehitriny miaraka amin'ny lohanareo miondrika, ny tsirairay avy aminareo.

¹⁵⁴ Nanajanona ahy fotsiny ny Fanahy Masina, minitra vitsy lasa izay, rehefa nanomboka nivavaka aho. Hoy Izy hoe, "Misysasany eto izay tsy mbola mahafantatra an'izany." Enga anie Andriamaniry ny Lanitra hamela anareo tsy hanana na inona na inona, enga anie Izy hamerina avy hatrany indray an'Izany eo amin'ny lohalikareo androany, raha izany.

¹⁵⁵ Ianareo olona marary izay eto. Tsy mbola nanao an'izao mihitsy aho tao amin'ny fivorian'y Business Men. Ianareo olona marary eto, izay mino an'Andriamanitra, ka mino ianareo fa manana finoana hikasihana ny Akanjony. Ary, tsarovy, ny Baiboly no nilaza, ao amin'ny Hebreo 4 hoe, "Ny Tenin'Andriamanitra dia maranitra nohon'ny sabatra roa lela, mpamantatra ny eritreritra izay ao am-po." Isika rehetra dia mahafantatra an'izany. Mino an'Izany ve ianareo? Hivavaka ve ianareo?

¹⁵⁶ Aoka tsy hisy olona hihetsiketsika manomboka izao. Aoka ny olona rehetra ho tena manaja, tena tony, tena tony. Mivavaha. Ary enga anie ny Fanahy Masina ankehitriny hitarika antsika amin'izay hatao sy izay ho lazaina, satria eto ankehitriny ity ora sarotra ity manohitra antsika.

¹⁵⁷ Tompo Jesosy, eo an-Tànanao izany. Eo an-Tànanao aho. Mametraka ny tenako Aminaoh aho. Avereno indray eo amin'ny

lohalik'izy ireo Izany, Tompo, apetraho avy hatrany indray Izany. Azo antoka, Ny Fanahinao Masina lehibe no miteny amiko izay marina sy diso. Ary fantattro fa ity horonam-peo ity dia handeha hihaona amin'ny maro any ivelany any, ka mivavaka aho mba Hamelanao ho fantatra fa efa niteny ny Fahamarinana tamin'izy ireo aho androany, ary efa nirahina ho an'izao aho, tahaka ny Nolazaina teo amin'ny renirano tamin'ilay fotoana izay nitsanganan'io Anjelin'ny Tompo tao anatin'io Andry Afo io. Aoka ho fantatra androany fa efa niteny ny Fahamarinana aho, amin'ny alàlan'ny Anaran'i Jesosy Kristy. Amena.

¹⁵⁸ Atrakao ny lohanareo ankehitriny. Mijere aty, ary aza misalasala ianareo. Andriamanitra Tsitoha anie ho mpitsara antsika.

¹⁵⁹ Rehefa nitsangana teto an-tany Jesosy Kristy! Rehefa maty Izzy, dia nanasitrana ny marary Izzy, namonjy ny very Izzy. Mino an'izany ve ianareo? [Hoy ny fiangonana hoe, "Amena."—Mpand.] Fa rehefa teto Izzy, dia ahoana no nahafantaran'izy ireo fa Izzy izany, satria Izzy no Teny. Firy no mahafantatra an'izany ho marina? ["Amena."] Izzy no Teny, ary ny Teny dia mamantatra an'ireo eritreritra izay ao am-po. Marina ve izany? ["Amena."]

¹⁶⁰ Tsy afaka mahita olona iray aho ato amin'ity tranobe ity, amin'izao fotoana izao, izay fantattro, afa-tsy ireto pasitera ireto, sy ny sisa, eto aoriana eto.

¹⁶¹ Na, angamba raha eto Rahalahy Roberts, dia hanao azy hanomboka laharam-bavaka iray fotsiny aho. Any aoriana any ve Rahalahy Roberts? [Hoy ny olona iray hoe, "Tsia."—Mpand.] Tsy eto izy. Eny àry.

¹⁶² Ny asam-panompoako no hanao amin'izao fotoana izao. Mihaika anareo aho, amin'ny Anaran'i Jesosy Kristy, mba hino ahy, fa efa niteny ny Fahamarinana mikasika ny Teny aho, ary hino an'izay nolazaiko ho ny Fahamarinana. Hanao an'izany ve ianareo? [Hoy ny fiangonana hoe, "Amena."—Mpand.]

Ho tanteraka anie izany, Tompo, ho tanteraka anie izany.

¹⁶³ Misy lehilahy iray mipetraka eto mihitsy. Tiako ianareo hanatodika ny masonareo; tsy afaka mahita an'io Hazavana mihantona eo io ve ianareo? Misy lehilahy iray mipetraka eto, mijery ahy, mivavaka. Mijaly amin'ny aretin'avokavoka izy, ary fahalemena. Aza diso an'izao, tompoko. Atoa. Carr, atsangano ny tànanao ka ekeo ny fahasitrananao. Jesosy Kristy no manao anao ho salama. Tsy mbola nahita an'ilay lehilahy mihitsy aho, teo amin'ny fiainako.

¹⁶⁴ Misy lehilahy iray iry aoriana iry, tena mahafinaritra, mivavaka ihany koa izy. Fa inona ny olana amin'io lehilahy io, io lehilahy eo io dia manana areti-maso. Tratry ny fivontosana iray izy eo amin'ny ilany havia. Ny anarany dia Atoa. Bartlett. Minoa ianao! Marina ve izany, tompoko? Vahiny aminao ve

aho? Ahofahofaho ny tànanao; tena vahiny isika. Marina izany. Andriamanitra hitahy anao. Minoa, dia ho sitrana ianao.

Minoa ianao!

¹⁶⁵ Ho an'ny inona no itenenanao an'izany aminy? Mino ahy ho Mpaminaniny ve ianao, tompoko? Eny, tompoko. Mijaly amin'ny korontana ara-panahy ianao, korontana kely amin'ny asa sy ny sisa. Marina izany. Marina izany. Atoa. Clawson, mino amin'ny fonao rehetra ve ianao fa hanitsy an'izany ho anao Jesosy? Izany ve no anaranao? Izany ve ny toeranao? Eny àry, afaka mahazo an'izay nangatahanao ianao. Amena.

¹⁶⁶ Olona iray *eto* dia mino an'Izany, amena, olona iray miaraka amin'ny finoan'ny Fanahy Masina tena izy.

¹⁶⁷ Rtoa. Waldroff, hitako izany. Izaho, fantattro ianao. Tsia, tsy ho anao ilay izy. Ilay izy dia ho an'io zazakely io, ary io zazakely io dia zafikelinao. Tsy mbola nahita azy mihitsy aho, teo amin'ny fiainako. Izany no fahamarinana. Ilay zazakely dia mijaly amin'ny areti-maso iray izay nateraky ny tsi-fahazakan-javatra izay nananany. Izany no HOY NY TOMPO HOE. Minoa ianao!

¹⁶⁸ Ramatoa, tena marary ianao. Mikorontan-tsaina ianao, tratry ny aretim-bavony, saiky ao anatin'ny fikorontanan-tsaina mandreraka iray mihitsy. Mino ve ianao fa hanasitrana anao Andriamanitra? Mary, minoa amin'ny fonao rehetra, dia hanome anao ny fanirianaos Jesosy Kristy.

Eo amin'ny lohalikao Izy!

¹⁶⁹ Indro misy ramatoa kely iray mipetraka eto, mivavaka, mijery ahy, nanondrika ny lohany. Niharina ary njery ahy. Olona tsara. Tsy avy eto ianao. Avy any amin'ny lavitra avy eto ianao, New York. Fa raha hino ianao hoe Jesosy Kristy no manao anao ho salama, dia Izy no hanome anao ny batisan'ny Fanahy Masina. Mino an'izany ve ianao? Rtoa. Bryan avy any New York, minoa amin'ny fonao rehetra, dia afaka mahazo ny Fanahy Masina ianao izao ankehitriny izao.

¹⁷⁰ Izany dia eo amin'ny lohalikareo, ry sakaiza! Mino an'Izany ve ianareo, ny Teny no manao ny Tenany ho voaseho? Mino ve ianareo fa Jesosy Kristy no tsy miova omaly, anio, ary mandrakizay? Tsy mahafantatra an'ireo olona ireo aho. Andriamanitra no Mpitsarako, tsy mahafantatra an'ireo olona ireo aho. Jesosy Kristy no mahafantatra azy ireo. Inona no hataonareo amin'ity Teny voahosotra ity, araka ny Nolazainy hoe, "Tahaka ny tamin'ny andron'i Sodoma, dia ho toy izany koa amin'ny fihavian'ny Zanak'olona"? Raha marina ity ampahany ity, dia marina ny Hafatra izay toriako. Izany no Fanahy Masina, Izy tenany, manao ny Fandikany Manokana, hoe marina Izany. Amena. Minoa an'Izany amin'ny fonareo rehetra! Hanao an'izany ve ianareo?

¹⁷¹ Mitsangàna àry ka ekeo Izany, amin'ny Anaran'i Jesosy Kristy.

¹⁷² Raha mbola eto ny Fanahy Masina, dia te-hametra-tànana eo amin'ireto mosara eto ireto aho. Ndao isika hanangana ny tònantsika amin'i Kristy.

¹⁷³ Tompo Jesosy, mino Anao izahay. Fantatray fa Ianao no Fahamarinana, ny Hazavana, Ny Teny. Mametraka ny tònako eo amin'ireto mosara ireto aho. Mivavaka aho, Tompo Jesosy, mba hihodinkodina manerana ny tranobe sy manerana an'ireto mosara ireto ny Herinao, eo amin'ireto palitao kely sy pardesy ireto. Ary enga anie ny Fanahy Masina ho tonga eo amin'izy ireo, Tompo. Ekeo izany. Ary enga anie izy ireo ho sitrana, ny tsirairay avy amin'izy ireo, satria Ny Teninao no Fahamarinana. Ekeo izany, Tompo.

¹⁷⁴ Ankehitriny ho an'ny tsirairay avy ato amin'ny fiangonana, inona no hataonareo amin'ity Jesosy antsoina hoe Kristy ity? Eo an-tànanareo izany. Aza mamela ny olona hiteny aminareo... Ny tiako ho lazaina dia ireo olona eo amin'ity horonam-peo ity, ireo olona ato amin'ny mpanatrika, inona no hataonareo amin'izany androany? Nahoana ianareo no tsy manaiky Azy, ny olona marary rehetra ato? Ny lehilahy misalasala rehetra ato, ny vehivavy misalasala rehetra, nahoana ianareo no tsy manaiky Azy ho Mpamonjinareo? Tsy hanasa Azy hiala amin'ny tònancareo mihitsy ianareo. Tsy hanaisotra Azy mihitsy ny fanekem-pinoanareo. Tsy misy savonin'i Fuller ampy eto amin'ny firenena hanetsika an'Izany. Ny zavatra tokana azonareo hatao, dia ampidiro ao am-ponareo Izy! Amena. Hanaiky an'Izany ve ianareo? Atsangano àry ny tònancareo. Ary manaova... Omeo Azy ny dera sy ny voninahitra.

¹⁷⁵ Rainay any An-danitra, Anao izy ireo. Voatondro Ny Teninao. Anao ireo vahoaka. Apetrako Aminao izy ireo, amin'ny Anaran'i Jesosy Kristy. Amena.

¹⁷⁶ Atsangano ny tònancareo ankehitriny ka deroa Izy. Ary apetrako aminareo Izy, amin'ny Anaran'i Jesosy Kristy. 

*INONA NO HATAONTSIKA AMIN'ITY JESOSY
ANTSOINA HOE KRISTY ITY?* MAG64-0126
(What Shall We Do With This Jesus Called Christ?)

Ity Hafatr'i Rahalahy William Marrion Branham ity, izay notoriana tamin'ny Teny Anglisy hatrany am-piandohany ny Alahady tolakandro, 26 Janoary 1964, tao amin'ny Ramada Inn ao Phoenix, Arizona, U.S.A, dia nalaina avy tamin'ny horonam-peo ary natonta manontolo amin'ny Teny Anglisy. Ity fandikana amin'ny Teny Malagasy ity dia natonta sy nozarain'ny Voice Of God Recordings.

MALAGASY

©2017 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Filazana fahefan'ny tompon'ny boky

Tsy azo adika. Ity boky ity dia azo atao printy amin'ny fanaovam-printy ao an-trano ho an'ny fampiasana manokana na ho zaraina, tsy misy sarany, ho fitaovana iray hanaparitahana ny Filazantsaran'i Jesosy Kristy. Ity boky ity dia tsy azo amidy, na adika indray amin'ny refy lehibe, na alefa amin'ny siteweb iray, na tehirizina amin'ny fomba nisy nanesorana, na adika amin'ny fiteny hafa, na ampiasaina ho fangataham-bola raha tsy misy alàlana voasoratra mazava avy amin'ny Voice Of God Recordings®.

Ho an'ny fanazavana fanampiny na ho an'ny fitaovana hafa efa azo raisina, dia iangaviana hifandray amin'ny:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org